



বাংলাদেশ ব্যাংক

(সেন্ট্রাল ব্যাংক অব বাংলাদেশ)

প্রধান কার্যালয়

মতিঝিল, ঢাকা-১০০০

বাংলাদেশ।

www.bb.org.bd

আর্থিক প্রতিষ্ঠান ও বাজার বিভাগ

০৯ শ্রাবণ ১৪৩১

তারিখ: _____

২৪ জুলাই ২০২৪

ডিএফআইএম সার্কুলার লেটার নং-২৪

ব্যবস্থাপনা পরিচালক/প্রধান নির্বাহী কর্মকর্তা
বাংলাদেশে কার্যরত সকল ফাইন্যান্স কোম্পানি।

প্রিয় মহোদয়,

ঋণের কিস্তি এবং বিভিন্ন সঞ্চয়ী স্কিমের অর্থ পরিশোধ প্রসঙ্গে

দেশের সাম্প্রতিক পরিস্থিতিতে অনেক ঋণগ্রহীতা তাদের বকেয়া অর্থ নির্ধারিত সময়ের মধ্যে পরিশোধ/সমন্বয় করতে সক্ষম হননি। এছাড়াও, অনেক আমানতকারী তাদের বিভিন্ন সঞ্চয়ী স্কিমের অর্থ নির্ধারিত সময়ে জমা প্রদান করতে পারেননি।

২। বর্ণিত প্রেক্ষাপটে, ১৮ জুলাই ২০২৪ হতে ২৫ জুলাই ২০২৪ তারিখ পর্যন্ত পরিশোধযোগ্য ঋণের বকেয়া অর্থ পরিশোধ এবং বিভিন্ন সঞ্চয়ী স্কিমের কিস্তি গ্রহণের ক্ষেত্রে নিম্নবর্ণিত নির্দেশনা অনুসরণীয় হবে:

(ক) ঋণের বকেয়া অর্থ আগামী ৩১ জুলাই ২০২৪ তারিখের মধ্যে পরিশোধ করা হলে এরূপ বকেয়া অর্থের উপর কোনো প্রকার সুদ/মুনাফা এবং দন্ড সুদ/অতিরিক্ত সুদ/অতিরিক্ত মুনাফা/বিলম্ব ফি/জরিমানা (যে নামেই অভিহিত করা হোক না কেন) আরোপ/আদায় করা যাবে না।

(খ) বিভিন্ন সঞ্চয়ী স্কিমের কিস্তি গ্রাহক কর্তৃক ৩১ জুলাই ২০২৪ তারিখের মধ্যে পরিশোধ করা হলে এর উপর কোনো ধরনের বিলম্ব ফি বা জরিমানা আরোপ/আদায় করা যাবে না। এছাড়া, উল্লিখিত সময়ে কোনো সঞ্চয়ী স্কিমের কিস্তি পরিশোধে গ্রাহকের অসমর্থতার কারণে তা বন্ধ/বাতিল করা যাবে না এবং পূর্বঘোষিত হারের তুলনায় কম সুদ/মুনাফা প্রদান করা যাবে না।

(গ) ইতোমধ্যে বর্ণিত ঋণের উপর সুদ/মুনাফা ও দন্ড সুদ/বিলম্ব ফি এবং বিভিন্ন সঞ্চয়ী স্কিমের উপর কোনো প্রকারের বিলম্ব ফি/জরিমানা আরোপ/আদায় করা হয়ে থাকলে তা ফেরত প্রদান/সমন্বয় করতে হবে।

৩। ফাইন্যান্স কোম্পানি আইন, ২০২৩ এর ৪১(২)(ঘ) ধারায় প্রদত্ত ক্ষমতাবলে এ নির্দেশনা জারি করা হলো যা অবিলম্বে কার্যকর হবে।

আপনাদের বিশ্বস্ত,

(মোঃ আসাদুজ্জামান খান)

পরিচালক (ডিএফআইএম)

ফোনঃ ৯৫৩০১৭৮।